

LITURGI MINGGU SEPTUAGESIMA

GBKP RG.CIJANTUNG

Warna Stola: Megersing

Minggu, 13 Pebruari 2022

Secara Live Streaming Melalui Youtube GBKP Cijantung Ras Onsite

=====

Catatan : * Kebaktin ilakoken secara onsite ras online live streaming atau rekaman alu ngikuti rekamen livestreaming atau alu ngogeken Liturgi bicara lit kendala ngelakoken secara online live streaming.

***Kebaktin online live streaming ibenaken jam 08.00Wib
melalui youtube GBKP Cijantung***

• Tolong jadi perhatin man banta :

Ibadah melalui online live streaming atau melalui offline dengan mengikuti rekaman live streaming atau dengan membacakan urutan liturgi adalah sungguh sungguh ibadah. **Meskipun berada di rumah, sikap hati dan perilaku yang hormat atas kehadiran Allah tetap kita perhatikan, seperti halnya kita pergi beribadah ke gereja.** Janganlah kiranya ibadah online live streaming atau melalui *offline* dengan mengikuti rekaman live streaming kita jadikan sebagai tontonan. Kita menonton tanpa terlibat dalam ibadah. Kita mendengar dan melihat ibadah dengan pakaian seadanya tanpa ada kesungguhan hati untuk beribadah menyembah Allah.

**Marilah kita sungguh-sungguh beribadah walaupun melalui live streaming dari rumah.
Dibata simasu-masu kita.**

A. PERSIKAPEN

B. KEBAKTIN

1. RENDE : KEE No. 4 : 1,4

RENDE : KEE No. 4 : 1,4

" PUJILAH ALU UKUR SI MERIAH "

1. Pujilah alu ukur si meriah, Dibata ras gelar-Na si Badia.
Ukurta k'rina min ku IA nge , peb'linken o, tendingku Dibatandu
Ola ma inget pemere-Na bandu, si m're sa kapen Dibatandu e
4. Tapina kekelengen Dibatanta, la sambar lalap IA kap Bapanta
Kini bujuren-Na man ise pe, man si tetap la lupa padan rassa
Man si la nimbak tapi tek ibas-Sa, e maka kita enda la bene

2. KATA PENGALO – NGALO RAS MOMO

3. KATA PENARUH

----- PERPULUNGEN TEDIS -----

Mari sipuji Tuhan arah :

RENDE : KEE No. 163 : 1,2

" BADIA, BADIA "

1. Badia, badia Tuhan si erkuasa, dem me doni enda salu kemualian-Na
Badia, badia, Tuhan bala surge, Kam me kap Bapa si ermulia

----- Musik Saja -----

----- Serayan Bengket Ku Ruang Kebaktin -----

2. Badia, badia Bapa si perkuah, reh kerina kami aloken-Ndu gelah
Badia, badia Tuhan maba tuah, reh kami enda ba-Ndu ersembah

4. VOTUM – SALAM

5. BERITA KERN PERBAHANEN RAS SURA – SURA DIBATA (INVOCATIO)

RENDE : KEE No.281 : 1,3

“KEK’LENGEN YESUS KEMPAK MANUSIA”

1. Kek’lengen Yesus kempak manusia, desken Dibata engkelengi IA
Kekelengen-Na maler kap man banta, adi sipakelah pedah-Na
*Reff : Min sikeleng-kelengen kita k’rina
Bagi pedahkan Yesus ‘bas pustaka
Sababna kai sipindo bas gelar-Na, i b’re Dibata man banta*
3. Bas paksa kita nehken kekelengen, ola min sibana ceda kempak teman
Erban mehuli ola rahan-ahan, lah kedamen jujurken Tuhan
Reff :.....

----- PERPULUNGEN KUNDUL -----

6. BERITA KERN KELENG ATE TUHAN

- L :** Jesus enggo naluken kerina percuban guna engklini manusia i bas kuasa dosa nari.
Emaka gelah tetap kita i bas kemenangen Kristus, nina Tuhan : *"Kelengilah Tuhan
Dibatandu asa ukurndu, asa tendindu, dingan asa gegehndu lit. Enda me perintah
si mbelinna dingan si pentingna. Si peduaken bali ras si ndai e me, 'Kelengilah
temanndu manusia bagi kam ngkelengi dirindu.' Kerina undang-undang agama si
ibereken Musa ras nabi-nabi erpalasken duana perintah enda ndai kap."*
- P :** I puji kami Kam Tuhan, i bas kinigenggengen-Ndu ngalaken percuban. Kam me
Dibata si meteruk ukur, la Kam ngukurken Diri-Ndu saja, gelah kami terkelin.

RENDE : KEE No . 395 : 1,2

“SIPUJILAH TUHANTA E”

1. Si pujilah Tuhanta e, Dibatanta si erkuasa
La ersibar kuasa-Na, lias-Na ‘nggo tetap
*Reff : Marilah kita kerina, si puji Tuhan bas geluhta
Mbelin kekelengen-Na banta k’rina, segedang geluhta*
2. Si pujilah Tuhanta e, si ngerajaisa kerinana
Emaka kerajang jelma, mehuli jadina
Reff :.....

**7. PENGAKUN DIRI KERN KINILANGASUPEN NDALANKEN KEGELUHEN SI
MBARU**

- L :** Turang ras senina, kenca si idah keleng ate Jesus i bas ngalaken percuban, marilah
si orati pusuhta, kerna kinigenggengenta i bas ngikut Jesus.

..... Paksa Teneng

L : Marilah siakuken dosanta, i lebe-lebe Dibata, nintalah i bas pusuhtha sekalak-sekalak : *Ngaku kami O Tuhan, adi ipergermetken kami perdalanan geluh kami, megati kami la megenggeng dingen setia, bagi Kam megenggeng dingen setia i bas ngalaken percuban. Megati kami la ngasup erkorban guna kiniulin teman kami, bagi Kam erkorban kiniulin geluh kami. Ngaku kami Tuhan, maka kami kalak perdosa, bagi biri-biri si enggo lalar, bene kami i bas ngayaki sura-sura kami. Lanai min kami metunggung ngaloken keleng ate-Ndu. Alemilah kami O Tuhan.*
Mari sipindo pengalemi dosa idur Dibata nari, ndingen mpegegehi kita alu ras kita rende i bas :

KEE No. 440 : 1,2

“ O BAPA SALAH LEPAKKU KU ‘TEH NGE“

1. O Bapa salah lepakku ku ‘teh nge, dosaku pe rusur ku inget
Man ban-Ndu aku erdosa

Reff : Mekuah ate-Ndu min erkiteken lias-Ndu

Sasapken-Ndu min k’rina dosangku o Tuhan

2. O Bapa ku bahan rusur sijahat, patut nge aku i ukum-Ndu
Bujur nge keputusan-Ndu

Reff :.....

----- PERPULUNGEN TEDIS -----

8. PADAN DIBATA GUNA NDALANI KEGELUHEN SI MBARU

RENDE : KEE No. 216 : 1,4

“ KAM BANGSA DONI MARILAH “

1. Kam bangsa doni marilah, ersurak k’rina dahilah
Ku Tuhan tutus min gelah, endeken ‘nde enden si m’riah
4. Si Kristen japa gia pe, ‘nggo pulung k’rina sendah e
Reh muji Tuhan Yesus e, si ngk’lini manusia jine

----- PERPULUNGEN KUNDUL -----

9. KATA DIBATA

a. Matius 4 : 23 – 25 (Tunggal)

b. (Ibenaken ras i dungi alu pertoton)

Khotbah: Jeremia 17 : 5 – 10 (Antiphonal)

“ Ernalem Man Tuhan Ndatken Pasu – Pasu “

I elai : Pdt. Yusuf Tarigan, S.Th, MA.

----- PERPULUNGEN TEDIS -----

10. PENGAKUN KINITEKEN

----- PERPULUNGEN KUNDUL -----

11. PERSEMBAHEN

RENDE : KEE No. 343 : 1

“ PASU – PASU BAS TUHAN NARI “

1. Pasu – pasu bas Tuhan nari, gejakken kami tep – tep wari
Bas paksa – paksa geluh kami., Kam me kap tetap si'ngkawali
Pasu – pasu bas Tuhan nari, jadi pergegeh tendi kami,
Guna ndalani wari – wari si rehna bas Kam Tuhan Nari

*Reff : Pasu – pasu dage O Tuhan persembahen kami anak-Ndu
Labo kapen enda metunggung, persembahen si nggo pepulung
Ajari-Ndu min kami gelah min tetap ngasup mere man Tuhan*

----- PERTOTON PERSEMBAHEN RAS SYAFAAT -----

----- PERPULUNGEN TEDIS -----

12. PERPADANEN MAN DIBATA

L : Enda me undang-undang Tuhan : *“Kelengilah Tuhan Dibatandu asa ukurndu, asa tendindu dengen asa gegehndu lit. Sipeduaken bali ras si ndai e me, 'Kelengilah temanndu manusia bagi kam ngkelengi dirindu.”*

P : Erpadan aku O Tuhan, kukelengi me Kam, lebihen asangkan kai pe bas doni enda.
Kukelengi me Kam, arah engkelengi temanku manusia.

RENDE : KEE No. 352 : 1,3

“ PERDALINENKU KU SURGA “

1. Perdalinenku ku surga,em pertotonku si tetap
Ku ingan senang si tetap, bahan langkahku e tetap

*Reff. : O Tuhan tegulah aku, Tuhan petetap jinggangku
Ku ingan si tetap paguh, Tuhan petetap langkahku*

3. Ateku nggeluh bas benar, ndauh ibas g'luh si meluat
Perpulungen si Badia, ndilo aku 'lah megermet

Reff :

13. PERTOTON TUHAN

14. PENGUTUSEN RAS PASU – PASU DIBATA

15. PAKSA TENENG

**SELAMAT WARI MINGGU MAN BANTA KERINA
MEJUAH-JUAH, SALAM SEHAT, SALAM TANGGUH TETAP
SIDALANKEN PROTOKOL KESEHATEN**

**BUJUR
DIBATA SI MASU-MASU**